

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Dobivanjem statusa grada Bihać ide korak naprijed u razvoju	1
U februaru zakazani prijevremeni izbori za načelnika Općine Banovići	1
Gradani podržali aktivnost Općine Goražde za dobijanje statusa grada	2
Potvrđena funkcionalnost sistema kontrole ISO 9001:2008 Općini Stari Grad Sarajevo	2
Načelnik Tešnja boravio u radnoj posjeti Tešnju	3
Pobratimile se općine Stari Grad Sarajevo i Gostivar	3
Delegacija turskog grada Yalove posjetila Travnik	4
Nova CEMR publikacija: Decentralizacija na raskršnici-teritorijalna reforma u Evropi u vremenu krize	4
Dva udruženja lokalnih vlasti Ukrajina postala pridruženi članovi NALAS-a	5
Općina B.Krupa po treći put u projektima prekogranične saradnje	5
Načelnik Hadžibajrić jedini izlagač sa Balkana na međunarodnom skupu u Konji	6
Zamjenica rezidentnog predstavnika u UNDP-a u BiH posjetila Jajce	6
Dvije LAF studijske posjete Briselu: Oblast javnih nabavki na lokalnom nivou i EU poduzetništvo i SME politike	6-7

Bilten Saveza općina i gradova Federacije Bosne i Hercegovine

DOBIVANJEM STATUSA GRADA BIHAĆ IDE KORAK NAPRIJED U RAZVOJU

Nakon odluke Vlade Federacije BiH kojom je utvrdila i Parlamentu FBiH po skraćenom postupku uputila četiri prijedloga zakona kojima se sadašnje općine Tuzla, Zenica, Bihać i Široki Brijeg uspostavljaju kao gradovi, mr.sc. Emdžad Galijašević, Općinski načelnik Bihaća ističe da je pomenuta odluka korak naprijed u razvoju Bihaća kao administrativnog, obrazovnog, kulturnog, sportskog i historijskog središta ovog dijela Bosne i Hercegovine, javljaju iz Kabineta Općinskog načelnika.

"Bihać je središte Unsko-sanskog kantona i status grada smo sasvim sigurno zaslužili i možemo biti svi zajedno ponosni na činjenicu da će naš Bihać dobiti ovo priznanje. Status grada za nas koji ga vodimo znači još više odgovornosti i još više rada i zaista sam počastvovan što ću ponijeti i zvanično titulu gradonačelnika Bihaća, najvećeg grada ovog dijela Bosne i Hercegovine", kazao je načelnik Galijašević.

Općinsko vijeće Bihaća, 15.11.2006. godine usvojilo je Odluku o proglašenju Grada Bihaća, a na istoj sjednici usvojen je zaključak o pokretanju Inicijative za izradu Zakona o uspostavljanju Grada Bihaća.



Emdžad Galijašević, načelnik Općine Bihać

U FEBRUARU ZAKAZANI PRIJEVREMENI IZBORI ZA NAČELNIKA OPĆINE BANOVIĆI



www.izbori.ba.

Centralna izborna komisija BiH je, također na ovoj sjednici donijela odluku o utvrđivanju i objavljivanju rezultata prijevremenih izbora za načelnika općine Kreševo koji su održani 01. decembra/prosinca 2013. godine. Prema utvrđenim rezultatima novoizabrani načelnik Kreševa je Radoje Vidović (HDZ BiH).

Na održanoj sjednici Centralne izborne komisije Bosne i Hercegovine od 12. decembra/prosinca, donesena je Odluka o raspisivanju prijevremenih izbora na načelnika Općine Banovići. Izbori su zakazani za 16. februara/veljače 2014. godine. Prijave političkih stranaka i nezavisnih kandidata za učešće na izborima podnose se CIK-u do 17. decembra/prosinca 2013. godine.

Svi ostali rokovi propisani su Uputstvom o redolijedu izbornih aktivnosti za održavanje prijevremenih izbora za načelnika općine Banovići koje će javnosti biti dostupno na internet stranici Centralne izborne komisije BiH,





Grb Općine Goražde

GRAĐANI PODRŽALI AKTIVNOST OPĆINE GORAŽDE ZA DOBIJANJE STATUSA GRADA

GORAŽDE, 24. decembar/prosinac – Veliki broj građana prisustvovao je javnoj raspravi o Nacrtu Odluke o proglašenju Općine Goražde Gradom, koja je održana u Velikoj sali Općine u organizaciji Komisije za statutarna pitanja i propise Općinskog vijeća i Službe za društvene djelatnosti, opću upravu i zajedničke poslove Općine Goražde, navodi se na web stranici Općine Goražde.

Građani su na javnoj raspravi podržali aktivnosti koje je poduzela Općina Goražde za dobijanje statusa Grada, te



iznijeli niz prijedloga, a prisutni su upoznati sa razlozima za donošenje ove Odluke koji proizilaze iz činjenice da Općina Goražde svakim danom teži ka tome da postane najrazvijeniji industrijski grad, sa sve većim brojem stanovnika, a i prisutni trendovi u Općini ukazuju na potrebu promjene statusa u grad kao jedinicu lokalne samouprave sa jačim društvenim i političkim uticajem. Status Grada za Goražde označava direktnu mogućnost pristupa Evropskim fondovima za razvoj gradova (Evropski fond za regionalni razvoj ERDF) čija sredstva iznose oko 300 miliona eura. Očekuje se da će dio ovih sredstava biti usmjeren u izgradnju infrastrukture neophodne za proširenje industrijskih zona i razvoj privrede Goražda. Goraždu bi status Grada omogućio da u budućnosti parira jakim centrima, ne samo u Bosni i Hercegovini, već i u regiji.

O važnosti i prednostima dobijanja statusa Grada prisutnima na javnoj raspravi govorio je i načelnik Općine Goražde mr. Muhamed Ramović koji je prilikom obraćanja istakao – "Općina Goražde ispunjava uslove obzirom da ima 10.000 stanovnika u užem jezgru grada, a i sjedište je Kantona i na bazi toga predložio sam Općinskom vijeću Općine Goražde da se pokrene procedura za donošenje Odluke da budući status Općine Goražde bude status Grada Goražde. Više struke su koristi jer status Grada bi nam dao prednosti prilikom kandidovanja projekata prema međunarodnim donatorima i prilikom stvaranja partnerstava sa gradovima u okruženju i šire. Osim toga, sa psihološkog aspekta gledano, sam naziv Grad Goražde će pozitivno djelovati na sve stanovnike, a čak i više za domaće i strane investitore. Obzirom da se radi o zaista bitnoj aktivnosti i da njenim završetkom naša jedinica lokalne samouprave stiže daleko bolji status i dobija na većem značaju kako unutar Bosne i Hercegovine, tako i u odnosima prema međunarodnim organizacijama i partnerima, smatramo da su aktivnosti po ovom pitanju hitne i prioritete."

Ono što slijedi nakon provedene javne rasprave jeste da će se Nacrt Odluke o proglašenju Općine Goražde Gradom naći na dnevnom redu 13. redovne sjednice Općinskog vijeća Općine Goražde koja će se održati u četvrtak 26.12.2013. godine kada će se vijećnici izjašnjavati o usvajanju ove Odluke.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

POTVRĐENA FUNKCIONALNOST SISTEMA KVALITETA ISO 9001:2008

U Općini Stari Grad Sarajevo uspješno je proveden eksterni nadzorni audit koji je potvrdio da je ova lokalna zajednica opravdala funkcionalnost sistema kvaliteta ISO 9001:2008.

Zaključeno je ovo nakon nadzornog audita koji je u Općini Stari Grad proveden 19. i 20. decembra, 2013. godine.

Halil Gutošić vodeći auditor ispred certifikacijske kuće "Bureau Veritas Croatia" d.o.o. istakao je kako su zaposlenici Općine Stari Grad svoj posao obavljali kvalitetno i u službi građana.

"Generalno gledajući poboljšanje je rad u svim službama, nema većih neusklađenosti i sav posao se odvija po procedurama", istakao je Gutošić.

Certifikat ISO 9001:2008 je dokaz usklađenosti sistema rada administracije Općine Stari Grad, sa strogim kriterijima koje postavlja novo izdanje međunarodnog standarda. To je i potvrda da se poslovni procesi u Općini Stari Grad odvijaju na način da su orijentisani ka stanovnicima odnosno korisnicima usluga općinske administracije. Općina Stari Grad posjeduje sertifikat ISO 9001:2008 od marta 2010. godine.



NAČELNIK TEŠNJA BORAVIO U RADNOJ POSJETI SAD-U



Općinski načelnik Suad Huskić boravio je u radnoj posjeti SAD-a kao gost Vlade SAD -a. Posjeta je organizirana u okviru programa IVLP (Međunarodni program razmjene posjetilaca lidera) u organizaciji Stejt departmenta i Ambasade SAD-a u BiH.

Tokom boravka organizirano je preko 20 sastanaka sa državnim, regionalnim i općinskim predstavnicima, javnim preduzećima i nevladinim organizacijama u više gradova (Vašington, Arlington, Aleksandrija, Sinsinati, Manchester...).

Tema studijskog boravka bila je "Lokalna samouprava i njen ekonomski razvoj", a

obuhvatala je funkcionisanje i finasiranje lokalnih nivoa vlasti u SAD-u, kao i način pružanja javnih usluga u gradovima, te oblici saradnje javnog i privatnog sektora kroz modele javnog-privatnog partnerstva.

(Preuzeto sa: <http://www.opcina-tesanj.ba>)



POBRATIMILE SE OPĆINE STARI GRAD SARAJEVO I GOSTIVAR

SARAJEVO, 16. decembar/prosinac – Sporazum o bratimljenju Općine Stari Grad Sarajevo i Općine Gostivar – Republika Makedonija, potpisan je danas u Sarajevu i tom prilikom rečeno je kako je ovo treća po redu općina iz Republike Makedonije s kojom je Stari Grad potpisao sporazum o saradnji, saopćeno je na web stranici Općine Stari Grad.

Sporazum koji su potpisali načelnici Starog Grada i Gostivara Ibrahim Hadžibajrić i Nevzat Bejta predviđa međusobnu tješnju saradnju kao nastavak razvijenih kontakata u proteklom periodu između Gostivara i Starog Grada.

U maju/svibnju, 2011. godine potpisan je sporazum sa skopljanskom Općinom Karpoš, a početkom decembra/prosinca ove godine s Općinom Ohrid, obje u Makedoniji.

"Još prije tri godine posredstvom ambasadora Republike Makedonije u BiH Redžep Ramia pokrenuta je inicijativa za bratimljenje sa Gostivarom i evo danas smo je i realizovali. Nadam se dobroj saradnji sa ovom kao i sa ostalim pobratimskim općinama i da ćemo uskoro zajedno nastupiti prema međunarodnim donatorima s ciljem dobijanja novca i realizacije zajedničkih projekata", pojašnjava Hadžibajrić.

Bejta je istakao kako od danas počinje zajednička saradnja i uzajamno učenje Starog Grada i Gostivara.

"Današnje potpisivanje sporazuma ide u korist građanima obje općine. Sarađivat ćemo u sferama kulture, sporta, obrazovanja i radit ćemo na tome da zajednički konkurišemo prema međunarodnim donatorima. Od danas građani Općine Stari Grad imaju kuću i u Gostivaru gdje su im otvorena vrata", rekao je Bejta.

Današnje potpisivanje Sporazuma o saradnji uveli su i predsjedavajući Općinskog vijeća Stari Grad Vedran Dodik, ambasadori Makedonije i Albanije u BiH Redžep Rami i Flamur Gashi, petnaestočlana delegacija Općine Gostivar, predstavnici izvršne i zakonodavne vlasti Općine Stari Grad, veliki broj građana Starog Grada porijeklom iz Gostivara, te mnogi drugi gosti.

Sporazum će doprinijeti razvoju lokalnih zajednica, njihovom međusobnom i povezivanju njihovih građana i naroda.

Saradnja između općina baziraće se na realizaciji projekata od zajedničkog interesa u oblastima: privrede, kulture, obrazovanja, turizma, sporta, kao i zaštite prirodnog i kulturnog naslijeđa.

Cilj je promocija svih kulturnih, socijalnih i humanih veza između dva naroda u okviru njihove historijske bliskosti, te jačanju historijskih, kulturnih, informativnih, naučnih, industrijskih, trgovačkih, tehničkih, umjetničkih, zdravstvenih, sportskih i turističkih veza između dvije općine.

Općina Stari Grad Sarajevo u posljednjih nekoliko godina potpisala je protokole o saradnji sa 18 općina i gradova iz nekoliko zemalja.

Do sada se pobratimila sa općinama i gradovima iz Turske, Slovenije, Makedonije, Albanije, Kosova, Crne Gore, Makedonije, Italije, kao i općinama iz BiH.

Na ovakav način Općina Stari Grad pokazuje opredjeljenje i spremnost za razvijanje dobrosusjedskih odnosa sa općinama i gradovima, kao i promicanje temeljnih principa suživota i tolerancije, navodi se u saopćenju.

Cilj je promocija svih kulturnih, socijalnih i humanih veza između dva naroda u okviru njihove historijske bliskosti, te jačanju historijskih, kulturnih, informativnih, naučnih, industrijskih, trgovačkih, tehničkih, umjetničkih, zdravstvenih, sportskih i turističkih veza između dvije općine.





Grb Općine Travnik



DELEGACIJA TURSKOG GRADA YALOVE POSJETILA TRAVNIK

TRAVNIK, 23. decembar/prosinac – Delegacija prijateljskog grada Yalova iz Republike Turske u petak je boravila u posjeti Travniku. Tokom susreta razgovaralo se o dosadašnjoj saradnji kao i o novih oblastima saradnje. Sastancima su prisustvovali općinskim načelnik Admir Hadžiemrić, predsjedavajući Općinskog vijeća, Niko Grganović i predstavnik Odbora za međunarodnu saradnju, Emir Adilović. Delegaciju Yalove predvodili su Ömer FİTOZ, predsjedavajući gradske Skupštine i Hasan SOYGÜZEL generalni sekretar Skupštine. Nakon sastanka i kratkog obilaska grada druženje se nastavilo na Vlačiću gdje je zvanično, uz mnogobrojne goste i zvanice otvorena zimska turistička sezona 2013/2014.



Zimsku sliku Vlačića gosti iz Yalove imali su priliku da vide prvi put a njihovi utisci koje nose sa sobom, prema njihovim izjavama su fascinantni i otvaraju prostor za neke buduće projekte.



Načelnik A. Hadžiemrić sa gostima iz Turske

Načelnik Hadžiemrić gostima je predstavio gđu Suadu Abdić, vlasnicu Hotela „Sunce“ i milionski vrijedne investicije Sportske dvorane koja je pomogla da se Vlačić svrsta u sami vrh planinskog turizma.

U obilasku smještajnih kapaciteta gosti su imali priliku da, pored drugih hotela i vikend objekata vide i Hotel Resort & Spa Blanca – Vlačić u kojem su u neformalnoj atmosferi razgovarali sa načelnikom Hadžiemrićem o saradnji u oblasti turizma obzirom da sve veći broj građana Turske dolazi u Bosnu i Hercegovinu.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpabc.org
www.interregadriatico.it
www.europa.ba
www.chib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

NOVA CEMR PUBLIKACIJA: DECENTRALIZACIJA NA RASKRSNICI – TERITORIJALNA REFORMA U EVROPI U VREMENU KRIZE

Od početka finansijske, ekonomske i socijalne krize 2008. godine, lokalne i regionalne vlasti su se morale prilagoditi novim političkim i ekonomskim uslovima. Vlade su napravile brojne reforme kako na centralnom tako i na lokalnom nivou. Ove zakonske i organizacijske promjene, često inicirane od strane lokalnih vlasti, dovode u pitanje poziciju lokalnih i regionalnih vlasti unutar država.

Svrha ove publikacije je pružiti kompletnu sliku, navodeći što je moguće veći broj reformi koje su implementirane od početka krize. Ovo istraživanje se, šezdeset godina nakon potpisivanja Evropske povelje o općinskim slobodama iz 1953., bavi posljedicama krize na lokalnom i regionalnom nivou u Evropi. Trenutne budžetske restrikcije, tendencije nacionalnih vlada ka centraliziranju nadležnosti, kao i sve veća distanciranja od strane država, ograničavaju slobode lokalnih i regionalnih vlasti u njihovom djelovanju. Stoga je potrebno istaknuti važnost lokalnih vlasti u definiranju novih političkih rješenja u Evropi.

[Publikaciju možete preuzeti sa web stranice Saveza.](#)



DVA UDRUŽENJA LOKALNIH VLASTI UKRAJINE POSTALA PRIDRUŽENI ČLANOVI NALAS-a



Tokom sastanka izvršnog tijela NALAS-a (Odbora oficira za vezu), koji je održan 8. decembra/prosinca 2013. godine u Ljubljani (Slovenija), donesena je odluka o primanju u pridruženo članstvo dva udruženja lokalne samouprave iz Ukrajine: Udruženje malih gradova Ukrajine i Sveukrajinsko udruženje sela i mjesnih zajednica. Tako da je danas u članstvu NALAS-a 16 stalnih i 7 pridruženih članova.

Udruženje malih gradova Ukrajine (ASTU) pomaže gradonačelnicima u profesionalnom razvoju, zastupa interese zajednica i tijela lokalne samouprave i ima uticaj na razvoj ukrajinskih zajednica. Okuplja 278 članova, gradove s populacijom ispod 50.000 stanovnika.



Sveukrajinsko udruženje sela i mjesnih zajednica

(VASSR) uključuje ruralna i seoska vijeća, koji predstavljaju gotovo 9.000 zajednica i preko 80 % ruralnog stanovništva u Ukrajini. Udruženje štiti interese ruralnih zajednica, i radi na njihovom socijalnom, ekonomskom i kulturnom razvoju.

Reforme lokalne samouprave u Ukrajini imaju dug put da se suočavaju sa izazovima kao što je podjela nadležnosti između različitih nivoa vlasti, finansijska autonomija, ujednačavanje sistema, kao i teritorijalna

organizacija.

Oba udruženja očekuju da će im njihovo članstvo u NALAS-u pomoći da ostvare svoju misiju učeći iz iskustava drugih članova NALAS-a u lobiranju za interes lokalne samouprave, u razmjeni iskustava u lokalnom razvoju i u procesu pristupanja EU, kao i na uspostavljanju partnerstva između gradova iz različitih država.



OPĆINA BOSANSKA KRUPA PO TREĆI PUT U PROJEKTIMA PREKOGRANIČNE SARADNJE



Sa potpisivanja Sporazuma načelnika Halitovića
sa agencijom „STAGE Art“

BOSANSKA KRUPA, 24. decembar/prosinac – Između načelnika Općine Bosanska Krupa Armina Halitovića i direktorice koncertne agencije „STAGE Art“ Sefedine Rekić, potpisan je sporazum o realizaciji projekta iz kulture odobren od Evropske komisije pod nazivom „Promoting cultural network see and connecting local projects in south – east Europe (cnsee)“, navodi se na općinskoj web stranici.

Općina Bosanska Krupa u narednih dvanaest mjeseci će podržavati „STAGE Art“ u projektu čiji je cilj promocija sevdalinke, izvornog bosanskohercegovačkog muzičkog pravca. U okviru tog projekta održavat će se seminari,

predavanja na temu sevdalinke i njenog prisustva u književnosti, organizirati nastupi sa izvođačima sevdalinke, pokrenuti škola sa stručnim predavačima na harmonici, solo pjevanju, kao i završni koncerti polaznika – učenika sevdalinke.

Načelnik Armin Halitović prilikom potpisivanja ističe kako je ovo treći projekt prekogranične saradnje u kojem učestvuje Općina Bosanska Krupa. Prvi je bio u saradnji s Lokalnom akcionom grupom Una-Sana i odnosio se na razvoj ruralnog turizma, a drugi koji je u toku u saradnji s PLOD Centrom i Općinom Bihać, a vezan za uređenje Malih ada u Bosanskoj Krupi.

Podršku u realizaciji projekta u Bosni i Hercegovini, odnosno pomenutoj koncertnoj agenciji s kojom je potpisan sporazum, Općina će pružiti sa dvanaest hiljada KM.

Potpisivanjem sporazuma, agencija „STAGE Art“ se obavezuje da organizira „Veče sevdaha“ u Bosanskoj Krupi i Bosanskoj Otoci, organizuje doček Nove godine Bosanskoj Krupi, organizuje i učestuje u organizaciji svih kulturnih dešavanja na području općine Bosanska Krupa u narednih dvanaest mjeseci.

Inače, „STAGE Art“ je zajedno s još tri partnera aplicirao kod Evropske komisije koja je prepoznala značaj projekta i prihvatila ga, te za njegovu realizaciju iz IPA fondova odobrila sredstva u iznosu od 400 hiljada eura.

Kako naglašava Elmir Rekić, vlasnik „STAGE Art-a“, značaj projekta u kojem osim njih učestvuju još ZPTM Brežice iz Slovenije, CTKU Kosta Abrašević iz Srbije i Dunavska mreža iz Hrvatske je ogromna u sferi kulture i turizma. Dodaje da je jedan od ciljeva projekta i formiranje jedinstvene Medijske mreže Jugoistočne Evrope.



Grb Općine Bosanska Krupa



NAČELNIK HADŽIBAJRIĆ JEDINI IZLAGAČ SA BALKANA NA MEĐUNARODNOM SKUPU U KONJI

Ibrahim Hadžibajrić, načelnik Općine Stari Grad Sarajevo, bio je jedan od predavača na tematskim radionicama koje su 20. decembra/prosinca održane u turskoj općini Konja. Radionice su organizirane od strane organizacije "Ujedinjeni gradovi i lokalne samouprave Bliskog Istoka i Zapadne Azije" (UCLG – MEWA), koja je jedna od sekcija „Globalne mreže gradova, lokalnih i regionalnih vlasti“ (UCLG), a u okviru zajedničkog sastanka Izvršnog odbora i Vijeća koje je održano 19. i 20. decembra/prosinca u Konji (Turska).

Ovim radionicama prisustvovalo je 300 učesnika iz 20 zemalja Bliskog Istoka i Zapadne Azije, među kojima je bilo i 100 načelnika. Hadžibajrić je bio jedan od 13 predavača i jedini načelnik sa Balkana. Hadžibajrić je na radionicama održao predavanja na temu "Doprinos lokalne diplomatije regionalnom i svjetskom miru" i "Inovativne prakse u lokalnim samoupravama". Obje teme obuhvatile su pozitivne prakse i primjere koje je Općina Stari Grad realizovala u proteklom period.



Sa skupa UCLG-MEWA -Konya, Turska

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ZAMJENICA REZIDENTNOG PREDSTAVNIKA UNDP-a U BIH POSJETILA JAJCE

JAJCE, 13. decembar/prosinac – U radnoj posjeti Općini Jajce boravila je zamjenica rezidentnog predstavnika UNDP-a u Bosni i Hercegovini N.J.E. Zahira Virani sa saradnicima. Visoku gošću primio je Načelnik Općine Jajce Edin Hozan. Razgovaralo se o aktuelnim projektima koje zajednički vode Općina i UNDP. Naime, u toku je izrada Strategije razvoja općine Jajce za period 2014 – 2024. godina, a nastavljaju se i aktivnosti na implementaciji projekta „Čist Vrbas“.

„Imate jako velike mogućnosti za razvoj, tu su bogatstvo prirode, povoljni uslovi, kulturno historijsko naslijeđe, dobra vizija, ljudi i to je ono što vas razdvaja od vaših susjeda koji nemaju ovakve uslove i mogućnosti. Naš tim je spreman da vas podrži u vašim ciljevima. Možemo raditi u partnerstvu u kojem ćete vi imati vodeću ulogu“, naglasila je gospođa Virani dodajući da UNDP zna prepoznati rezultate i preporučiti donatorima projekte razvoja lokalne zajednice. Načelnik Hozan zahvalio se UNDP-u na dosadašnjoj saradnji i pozvao na nastavak zajedničkih aktivnosti na projektu „Čist Vrbas“ podsjećajući da će Jajce i pet općina iz Federacije i RS-a 2015. godine biti domaćini 35. Svjetskog prvenstva u fly-fishingu.



Načelnik E. Hozan sa Zahirom Virani

DVIJE LAF STUDIJSKE POSJETE BRISELU: OBLAST JAVNIH NABAVKI NA LOKALNOM NIVOU I EU PODUZETNIŠTVO I SME POLITIKE NA LOKALNOM NIVOU

U okviru programa Local Administration Facility (LAF) organizuje se studijska posjeta Briselu pod nazivom "Procedure javnih nabavki na lokalnom nivou" (LAF Study Tour on Public Procurement procedures at a local level) koja će trajati od 26. do 28. februara/veljače 2014. godine i „EU poduzetništvo i SME politike na lokalnom nivou" (LAF Study Tour on EU entrepreneurship and SME policies at a local level) koja će trajati od 24. do 26. februara/veljače 2014. godine. Cilj studijskih putovanja jeste pružiti priliku lokalnim i regionalnim predstavnicima za upoznavanjem i razmjenom ideja u vezi sa EU legislativom i praksom iz navedenih oblasti na lokalnom nivou. Putovanje je otvoreno za učesnike iz Zapadnog Balkana (Albanija, BiH, Kosovo, Makedonija, Crna Gora i Srbija) i Turske. Maksimalno po šest učesnika može biti izabrano iz svake od zemalja Zapadnog Balkana.



Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U

WWW.SOGFBIH.BA

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnim formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste.

Rok za podnošenje prijava, za obje studijske posjete je 23. januar/siječanj 2013. godine. U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Na web stranici Saveza možete naći potrebne dokumente za apliciranje.



Svim našim članicama, partnerima, saradnicima i prijateljima želimo sretnu i uspješnu Novu 2014.



Savez / Zajedno za uređenu i razvijenu lokalnu samoupravu